

續會稽掇英集

續會稽掇英集

諸公送行詩序

宣奉郎守太常丞充集賢殿脩撰前知明州軍州兼管內勸農
事騎都尉賜緋魚袋借紫李定序

會稽距濤江岸大海為浙東大府總治六
州之軍政 朝廷常選高才碩望以為鎮
守熙寧丁巳天子以給事中集賢殿脩撰
程公出領牧事於是中外鉅德臺省諸英

各賦詩以贈行合一百二十五篇將刻石
于州舍馳書屬定以序定於

公有世執之舊故承命而不敢辭竊觀近
世士大夫多不學詩以為空言無用之文
非知詩者也大抵文章無古今之異惟當
於理而已後世作者雖多組織琢刻之辭
然其歲規諷諫褒贈剝譏有足取者及其
陳時變之盛衰以見君臣之離合述人情

之喜怒以明政事之廢興使觀者考古以
驗今鑒彼以誠此其有補於世教豈細也
夫今諸公方以才業協濟與運成就太平
之功而能推其餘以及此諸君子又能屬
而繼之蓋公以詩名天下者三十年而今
日之作抑從公所好也公聰明練達有政
事之材嘗為洪福廣三帥所至皆著能績
朝廷脩成百度方圖任耆賢舊德以共守

之而公獨請一州自佚此諸公所以尤惜
其去而見於詩者多稱事訟之簡登臨之
勝以慰公心而又祝公無久於是而亟歸
也斯可以鏤刻金石而傳詠於無窮矣元
豐元年十一月己卯謹序

標目

第一卷二十三首

第二卷二十一首

第三卷二十三首

第四卷三十二首

第五卷二十六首

續會稽掇英集卷一

朝賢送程給事知越州

尚書工部侍郎同中書門下平章事監修國史吳充

風力號強明三朝選寄榮誰非千騎長獨

就五羊城

議者欲城番禺久矣更十餘年
至公乃克城之民得所庇

德殿圖書掩山

陰父老迎蓬萊登望好太守擅詩名

尚書禮部侍郎同中書門下平章事集賢殿大學士王珪

越溪太守何蕭灑本為能吟佳集仙雪急

紫濛催玉勒日長青瑣聽薰絃一時冠蓋
傾離席半醉珠璣落彩燧自愧君恩渾未
報五湖終負釣魚船

河陽節度使守太傅兼侍中魯國公致仕魯公亮

山陰地勝冠江吳今得賢侯自禁塗侍從
暫虛青瑣闥藩宣新剖玉麟符移時前席
辭旒宸不日重城歌袴襦想到蓬萊游未
徧已應歸步在雲衢

鎮南軍節度使檢校太傅左僕射平章事王安石

旌節東方占上頭如何悞到北山游
清明似覩蘭亭月煖熱因忘蕙帳秋
投老更知歡可惜通宵預以別為憂
西歸定有詩千首想肯重來賁一丘

鎮江軍節度使同平章事判揚州陳升之

早年交契最綢繆垂老江城為少留
瀕海新成築金壘瑣闌初遠遼延旒
過家燕坐

多賓樂到郡公餘
放吏休滿目湖山何處
勝蓬萊高閣正清秋

給事中樞密院事兼群牧制置使馮京

才毫無地展經綸
白首歸來萬里身
持節氣凌沙漠使
懷章榮動會稽人
平湖翠岫千家月
落日西風一筋尊
南海疲民正回首
滿城歌舞頌年椿

尚書工部侍郎叅知政事元絳

四十年来出處同交情偏見嚴寒中相先
各上青雲路關在俱為白髮翁萬里馱勞
方稍一麾乘興又忽一清風冠劍辭仙
殿流水旌旗下越宮山半樓臺迎日動帳
前鏡鼓入秋雄因君更憶蓬萊雪不覺吟

魂過剡東

子昔有蓬萊關觀雪
長篇省餘皆和

宣徽南院使檢校太傅充東太一宮使張方平

故人久別忽相逢不及開樽舟已東四十

五年春夢過此回一見更忽々

吳中見君及今四十五年已

剡中盛事自南朝太守詩人趣亦高我豈
匏瓜常繫此酒舡撻鼓興猶豪

李白寄賀監詩滿舡
載酒撻鼓過

宣徽北院使檢校太傅充中太一宮使王拱辰

瑣闥拜直未淹年又折珪符大禹川六郡
旌旗都督府一山蕭鼓剡溪船松江秋泊
蓴鱸國茂苑涼經橘柚天才似微之繼風
雅小蓬萊作地居仙

樞密院直學士起居舍人簽書樞密院事曾孝寬

承明厭直懷鄉日適得當年嚴助州况是
北歸持節倦喜聞東去典城優長江風月
消殘暑故國尊鱸近早秋遙想下車民訟
簡不妨乘興剡溪遊

特進太子少師致仕趙槩

初從南服康殊俗亟見張旃尉遠方治術
已推漿魚鼈鱸魚炊稻梁芡頭肥大菱腰

長醜醜喧呼坐滿牀。怪君三年滯瞿塘。又
驅傳馬登太行。纓旄脫盡歸大梁。翻然出
走天南疆。九江左投貢。與章揚濶吹漂浩。
無旁老蛟戲水風。助狂盤渦忽折千丈強。
君聞此語悲慨慷。迎吏乃前持一觴。鄱州
厯選多雋良。鎮撫時有諸侯王。拂天高閣
朱鳥翔。西山踏繞鱗鬣蒼。下視城澗真金
湯。雄樓傑屋鬱相望。中戶尚有千金蔽藻。

田種杭出穰，沉檀珠犀雜萬商。大舟如山起牙播，輸寫交廣流荆揚。輕裙利屐列名倡，春風踏謠能斷腸。平湖灣瑯烟渺茫，榭石珍怪花草香。幽處往往聞笙簧，地靈人秀古所城。勝兵可使酒可嘗，十州將吏隨位昂。談笑指麾四雨暘，非君才高力方剛。豈得跨有此一方，無為聽客欲沾囊。使君謝吏趣治裝，我行樂矣未渠央。

同年弟梁國李中師

出藩寵進白雲司臺札仍欣得告歸蕪子
佩席鈕腰龜綯列城旗鼓隨高牙蘭亭一
水近館娃乃今衣繡先過家秋風從此生
蕪葭舟五百里行荷花西陵渡口曉吟劄
飛樓想到期及瓜恩先甘雨滿畬畬訟逐
筆止庭不譁秦山千仞高無如畫望蓬萊
挹仙霞鑑湖萬頃森無涯夜看牛斗乘星

搓平林摘筍崖擷茶酒截泉美而魚嘉醒
吟醉墨關天葩此樂未可歲月賒玉皇赭
案香飄斜匹馬赴召且復過民貧惠政空
歎嗟重見龙眉出若邪

翰林學士起居舍人知制誥權三司使沈括

鸞臺倦直出黃扉魚浦雙旌入翠微閣老
清規三省舊使君高興五湖歸却從江海
瞻青瑣聊過丘園戲錦衣一拂京塵浩南

望蓬萊閣靜簿書稀

樞密直學士左司郎中知審官東院陳襄

集仙才藻負經綸
暨領麾符浙水濱
賀老未堪狂客號
武侯終是以龍身
題詩夜落蓬萊月
載酒朝遊禹穴春
早晚歸來青瑣闥
一錢留取慰山民

龍圖閣直學士右諫議大夫權知閣封府孫固

朔南萬里使車馳
忽得山陰席節歸
華省

班聯青瑣貴故鄉心逐白雲飛江風雙槳
催紅旆海日層樓倚翠微郡事逍遙吟醉
裏老年行樂更光輝

東過錢塘第一州郡城高爽五雲浮會稽
山碧人多秀賀監湖清月正秋偃息鄉邦
如志意慰安雅俗自風流朝廷賢舊方圖
任只恐蓬萊得暫留

龍圖閣直學士右諫議大夫修國史宋敏求

溯東歌舞望旌麾遠泛樵風羽統飛論譔
內通仙殿籍拜興初別夕卽聞老人日俟
劉公至狂客今無賀監歸聞有新詩頻寄
我莫嗟梅雨裏朝衣

龍圖閣直學士右諫議大夫判流內銓王益柔

紫紱黃金太守章旌旗遙指五雲鄉若耶
溪上朝風快宛委山中六月涼政事雍容
多潤澤詩情閑淡合宮商羨君一入蓬萊

閣吟醉蕭然未遽央

太子賓客致仕盧革

金門入訪竹林人云向蓬萊駐畫輪百越
江山初作主五湖圖史未生塵勸耕定帶
齋船雨卷白應留燕榭春論道頻年有虛
席搏風一擊好收身

尚書禮部侍郎知池州滕甫

又領州麾過故鄉誰憐肝膽異班行患銷

南海城先具氣歷胡天國自強造膝華褒
輝黼黻跋朝佳句敵琳瑯聖君求治如星
火休闢新詩萬文光

續會稽掇英集卷二

尚書工部郎中知制誥判流內銓錢藻

越水浸天雲脚亂
越山洗露秋骨嶢
山重水遠地萬頃
居者暇裕無毀譏
朝家左顧倚藩扞
提兵開府為立監
得吾耆老自青瑣
命書臨遣芝泥緘
公以文章政事豪
驥躍天衢馳羈銜
七閩南海劫大利
偉望壓俗山之巖
欲公錦衣耀閭里
綬章燦爛拖

虹縵神武方茲五兵戢高躔夜半隳詠
擲農決訟更何事寧有織蠶煩羨榭黃堂
訝酒醉賓從獨特大體鉤最凡姓名定入
神仙籍蓬萊上下鸞鶴駢何當東去一解
榻歸心千里追飛颿

尚書刑部員外郎知制誥判司農寺熊本

龍節頒新命鸞臺輟侍臣詔聞都督府寄
重老成人四紀文章伯三朝富貴身指麾

清劇部笑談動殊鄰麗正裁書久承明厭
直頻銀黃鄉路畫襦袴屬城春冠蓋傾吳
會旌旗照海澗溪藤閑得句雪舫夜留賓
夢想依青瑣風流喜紫尊

諸公送行詩序

得一人之詩叅以一國之聰聽與詩合乃
為可傳况見諸君之詩與繼政之人又序
本末以冠于篇者則後日

朝廷有採詩官得之可以無疑矣載于樂
章傳于國史其能朽乎熙寧元年正月望
日序

朝賢送行詩下

龍圖閣直學士尚書兵部侍郎兼侍讀知通進銀臺司兼
門下封駁事同判太常寺兼禮儀事李東之

文行學曾顏才名孰可攀仁風清郡國和
氣滿江山暫抑提雄漕行當邁近班須知
攬轡暇大智養閑

工部郎中知制誥王安石

西江一節鑄黃金最慰章濱父老心長孺
鄉來真強子次公今不異重臨餘風尚有

歡謔在陳迹非無勝事尋豫想新篇能寄
我十年華省放情深

尚書刑部郎中知制誥邵必

我嘗淮上送君行前日郎官此日卿一道
清風新使節萬家和氣舊民情西山藥味
迎秋熟南浦波光照物明佳景多才雅相
值高吟應未負平生

尚書祠部員外郎知制誥知諫院邵元

澄江渺々豫章樓曾是雙旌再歲留五馬
解鞍方北上萬艘蜚粟又南遊說棠重到
清陰在埋劍將磨異氣浮求得公間且行
樂即看華髮滿人頭

三司鹽鐵副使尚書工部郎中吳充

曾乘使君馬數上豫章樓

少卿前守洪州

北闕領新

命西山追舊遊使星催縣弩鄉月伴仙舟
却顧區々者風波鬢已秋

頽王府翊善守太常少卿直昭文館齊恢

外臺新命紫泥書
牛斗星輝動使車
聲訓
舊孚千里俗權綱
今計九年儲群姦破膽
方銷縮列郡承風繫
慘舒最課行聞著成
績入膺華選奉宸居

尚書兵部郎中集賢校理判三司度支勾院馮浩

前歲虎符纔罷府
此時龍節復行臺
江湖
遠地雖勞力大紫中楹正擇才
召伯甘棠

歌蕩治并州竹馬喜重來莫將華髮嗟寒
素會見青雲道路開

尚書兵部郎中判三司憑由理火司未眩

四官江左皆才選去愛存懷率在民使者
今持丹鳳詔使君新駕而朱輪舊時再訪
鍾陵草和氣重舒澤國春解索莫為遲久
計甘泉延閣待名臣

尚書刑部郎中同提舉在京諸司庫務張師顏

吟毫健風月良辰宴畢飛金榜弟兄同舍
長老年相別重依

尚書工部郎中直龍圖閣判將作監謝景温

青瑣初辭佩守符過家衣錦耀鄉閭丹心
忽厭承明直白首猶刊麗正書滿目湖山
真吏隱半空樓閣信仙居若耶老叟嗟來
暮應向江頭待隼旗

太子中允集賢校理黃克崇政殿說書黃知諫院同判國子監黃履

浩然行思脫塵埃
畫鷁橫堤雁陣催
申伯此時南國去
次公何日潁川來
鑑湖清句秋多興
魏闕丹心老不灰
勲業古來餘事耳
離亭含笑倒樽罍

太子允集賢校理兼奉章閣侍講權同尚書禮部沈季長

給事才名不記春
又麾雙旆越江濱
厭看圖牒評句踐
慣把珪符笑買臣
身到遊蕪心更喜
詩逢絕境語爭新
暫虛紫府雲間

直去與蓬萊作主人

續會稽掇英集卷三

權三司戶部判官尚書兵部郎中張唐民
瑣闥修文極禁清蓬萊宮闕擁旋行舳艫
所至笙歌闕里閉重來道路榮舉世幾人
居我地全吳無限讀書生受恩老吏攀轅
切滿肚埃塵詩不成

夕郎賢撰固清崇公若居之受未充節似
冰霜文似錦才如風雨氣如虹仙舟菡萏

香來枕鈴閣江山秀入空
薄俗莫輕量用捨吾民時自有窮通

權法遣三司戶部判官尚書司封郎中張徽

瑣闥官接鳳風曹藹々青雲器業高一代
後先著惠化三朝中外主風豳阜安廣粵
新城郭懾伏幽燕舊節旄元相臺樓何處
是蓬萊山壓海波濤

尚書司封郎中新知廬州沈紳

天街雨歇槐飛花鎮東新府腰青蝸曉排
闔闔辭玉皇蕭齋先過文德衙赤墀再拜
升東塗赭袍前對明朱霞公行早為上所
器恩言褒寵何光華翰林紫微文章公歎
然惜去宴頭加東堂西府爭落筆詩豔萬
丈靈星槎行周四方心尚壯勁氣晚節開
胡沙東南便鄉久思歸翠巖白水淄把嘉
秋風鱸魚正鮮肥旗鼓滿城看過家吾鄉

禹功有餘烈，舊俗質厚民。不譁比年天時
苦荒札，太資公已勤。櫛爬行當下車，鎮清
和仁賢相繼自足。夸蓬萊到日望三山海
波浸眼窮天涯，酒濃詩豪真樂都莫為畫
舫留若耶。公才甚高宜大用，歸來禁鼓聽

新過

千兵督府占樓居，刻鎖君門一夕虛。為厭
承明新迤直，却探禹穴舊藏書。家頭鼓角

聞初近坐上湖山畫不如一道政清貔虎
肅四星密拱紫微車

權三司度支判官尚書司勳郎中王誨

清班經歲侍凝旒寵寄稽山第一州瑣闥
風規丹宸側蓬萊烟靄碧江頭詩豪誰敢
雷門過鄉老爭陪畫錦遊行路光華浮畫
鷁浩然佳思鑑湖秋

尚書度支郎中知蘇州韓鐸

青瑣身榮故國遙，除書催下紫宸朝。
金籬舊學辭仙殿，玉帳新兵擁使撓。
閣上雲山圍畫壁，軍中鼓角戰江湖。
珠璣滿篋群賢什瓦礫，誰收亦謾飄。

尚書度支郎中判登聞檢院晏知止

徧歷侯藩治績高，瀛洲瑣闥奉思褒。
麟符又入千巖境，鵠艦還乘八月濤。
田賴鎡湖常歲美，客遊梅市有人豪。
從來夢錦耽佳

句應接江山豈憚勞

尚書都官郎中新權知晉州王說

曉色光華去玉京
畫船新指會稽行
地嚴瑣闥通班貴
道出吳門過里榮
亭惹春雲
蘭渚靜波涵秋月
鑑湖清吏師
詩匠高當
世臥鎮何妨詠太平

尚書都官郎中判登聞鼓院王玘

公住吳門枕太湖
風波不到十年餘
過家

乞得蓬萊郡去國初拋麗正虛闕下舊容
乘駟馬江頭急趨鱸魚都門送客今何
盛百首詩輕百兩車

尚書都官郎中推司勾當公事褚理

元稹唐朝輔相材全家曾住小蓬萊公今
得請為藩去事異當時謫官來雅意未應
亡魏闕歸心且喜過蘇臺茂林脩竹仁風
勳紫蠅黃柑宴席開聽訟初承召公後述

詩須繼樂天才政成不待三年報入告謀
猷豈晚哉

尚書都官郎中新知温州石牧之

越絕江東第一州邦人相慶得賢侯已知
和氣先春到佇聽歡謠混海流去醉湖山
無賀老坐吟風月揖浮丘此行定奉丁寧
詔更老歸來侍冕旒

尚書都官郎中通判杭州姚原道

共登龍榜早翱翔青瑣黃扉佐有唐金印
隔江開督府月娥環席勸飛觴臯夔勲鼎
先三事抗越詩筒第一章不比當年元與
白錦衣易地鎮仙鄉

尚書工部郎中致仕張宗益

仙境際雲霓名藩獨會稽蓬萊住山小星
宿落簷低旌節臨諸郡樓臺敞北齊地繁
秦望嶺民阜若耶溪化俗饒餘事吟詩厭

舊題尺愁嚴召速榮渡淞江西

尚書祠部郎中充集賢校理新知兗州王汾

名藩從古任惟良
况復深嚴瑣闥郎
夕拜更持仙殿筆
晝歸仍綰會稽章
詩編豈愧微之富
枉酒應嗤賀監狂
惠政相承今卻杜
越人歌頌繼南陽

尚書主客郎中權判軍器監范子奇

寵命光輝出九重
夕郎捧詔未央宮
輟從

近侍優耆德暫殿名邦撫澗東道過故鄉
觀畫繡政成戴路播仁風豈唯越俗欣漸
惠即看延登起茂功

尚書主客郎中都大提點在京倉場司沈希顏

帝恩耆德帥江東銅席分符錫我公侍從
暫辭仙殿祕蕃宣聊擁使麾雄過吳衣錦
夸鄉曲入越褰帷廣聽聰莫戀湖山經歲
住早歸黃閣亮天功

尚書虞部郎中管勾西京嵩山崇福官程嗣猗

華宗晚貴派雖殊別圃留詩叙舊娛尊水

決謀權宦著

宦官自言欲自滲水塘決流入禁中以廢濬槽為相久不能議其可不必權判都水一言決之遂罷

尊君抗禮屈單于

昨奉使首正坐女虜人甚屈

日疏賓閣容談

塵秋過家山好繪鱸宸眷許來應暮召不
須久計戀東吳

諸王府侍講尚書司封員外郎集賢校理鄭穆

苑符優寄寵清賢印吏相驕印綬鮮方面

幾稱良太守名區今作小神仙夏王古穴
幽巖恠督監明湖冷浸天為語錢塘二千
石詩筩頗羨渡江船

尚書司勳員外郎提舉在京諸司庫務都提舉市易司呂嘉問

朱方藩牧寄非輕故輟中朝近侍行黼帳
暫遣簪筆對錦衣初喜過家榮前臨使宅
千山秀俯視隄封一水橫第恐急賢嚴召
節不容選勝遍江城

權發遣淮南東路提點刑獄金部員外郎范百祿

餘事詩名負絕塵
瑣闥仙殿老成人
虜庭上座衣冠壯
庾嶺南州雉堞新
太白山雲旬日雨
若邪溪水四時春
吾皇倚待唯三九
不用夸鄉詔買臣

開封府推官尚書司門員外郎徐大方

昨夜除書下太清
一麾十里擁雙旌
漢符出守朱幡重
越邸懷章畫錦榮
青瑣窓深

傳夕拜紅蓮幕下得時英
稽山尋勝窮幽
助禹穴探書極粹精
賀老清虛陶內景
微之惠愛浹輿情
舍人早促還朝計
旦暮追鋒柄宰衡

尚書虞部員外郎知將作監丞曾孝宗

虎符分鎮淞江東
熾棹都門使
旆雄雙槩
徘徊杪杜日
高牙摇曳剡溪風
蓬萊閣讌
公書簡賀監湖游
嶽榜空行聽越民歌德

政亟還青瑣見旌忠

續會稽掇英集卷四

太子中允權監察御史裏行彭汝勵

公去江淮今幾年
謹詔今日尚紛然
思榮復擁千兵出
課最應當一路先
詩字細題幽寺竹
酒卮深泛碧池蓮
風流定續蘭亭盛
幕府能無竇鞏賢

人家碧瓦照朱丹
縹緲煙濤密鎖關
一水北隣千里海
萬峰南揖四明山
鳥啼浮世

塵埃外人在青雲路
遛間祇恐公歸難久
此念、方捧詔書還

右次中丞內翰韻

畫舫參差看欲飛
紛紛中馬厭塵泥
右軍筆墨空蘭渚
安道風流訪剡溪
白首得時歸
莫遠丹心懷國去
猶稽月明會醉蓬萊
閣應笑雲霄自有梯

方次雜端正言韻

太常博士集賢校理檢正中書刑房公事劉奉世

使君遺愛徧南州
五馬新歸瘴海頭
持橐

未厭青瑣直懷章還作鑑湖遊姚餘人物
傳吳遠越絕山川向剡幽應有清詩資卧
理會吟他日記風流

太常博士克館閣校勘兼知大宗正丞事虞大熙

標置才謀熟尚公拜恩新領浙江東黃扉
玉殿官儀貴皂盖朱幡使節雄耕織當饒
青嶂裏樓臺縹緲翠雲中到時湖上看秋
月安得倩樽侍下風

太常博士秘閣校理陳睦

孔戣佳政在番禺嚴助終年厭直虛欲解
塵纓臨曲水忽驚計吏拜高車行歸天上
參鵷侶暫向江邊駐隼旗正想題詩憑郡
閣秋波綠淨落芙蓉

群牧判官太常博士吳安持

嶺表騷然避賊鋒番禺當此每從容故知
封豕非無意自是金城不可攻海嶠百年

忻受賜承明三接正疇庸山陰豈足勞公
久能活千人尚有封

太常博士檢正中書吏房公事王陟臣

出疆直欲請長纓絕域皆知鄭象名擁節
初聞歸禁闥懷章非是厭承明凌虛觀閣
仙螯曉倒景湖山鑑水清遙想蘭亭多勝
集早傳佳句到都城

太常博士權同判司農寺周直孺

三吳冠蓋並驅馳名德如公亦已稀胥口
沉珠唐相事會稽懷綬漢臣歸光華畫繡
家山近浩蕩秋風盡鷓飛十萬疲民待仁
政未應祇為膾鱸肥

公牧五年以善政聞連任累年

太常博士檢詳樞密院禮房文字王伯虎

會稽歸去雨朱輪青瑣恩輝笑買臣蕭鼓
放船纜汗岸壺漿迎馬即鄉民夜捺詩膽
邪溪月晝撥茶罍禹井春器業埽聞裴拍

薦莫將清興為吳尊

長雲千里海邊城，雨身今傳惠愛聲。
帝載待咨唐岳牧，郡符還屈漢公卿。
天墀面拜恩綸重，江國人瞻畫繡榮。
府掾塵埃歸未得，鄉心先已逐雙旌。

太常博士檢詳樞密院戶房文字張修

紫泥封詔下天闕，青瑣俄虛侍從班。
朝袖暫懷新印綬，繡衣榮過舊家山。
鑑湖風月

供吟筆指巖煙霞入醉顏宸眷未應容蒲
歲使車行被命書還

太常博士知司農寺丞何琬

賀老溪山久寂寥輟從青瑣去班條樓臺
爽氣來蓬島鼓角新聲壓海潮千里勸耕
趨壟畝五雲吟句落漁樵鑑湖想望隋河
上滿眼清風逐畫橈

太常博士監左藏庫周謹

公應夙世作詞臣
文采颯々入眼新
畫燭排空滕閣夜
紅旌照海越臺春
新篇錦繡盈南國
舊德鸞鴻綴北辰
白髮會稽還臥鎮
直將生理付陶鈞

風煙初別武王臺
更向金河握節回

虜中有金河改

日月違顏天縹緲
塵沙吹面玉摧頰
試看紫府騖禽去
又見長安駟馬催
欲作東州遺愛錄
自慚詞筆乏郗枚

太常博士新老通判壽州石麟之

鹿韜龍節上恩華衣繡先歸士論嘉瑣闥
暫虛元老席蓬萊還屬侍臣家旌旗天上
浮文鷁鼓角江頭擁將牙東越又新南越
治到時歌詠已誼譁

太常博士充楚王宮太學教授潘及甫

積年欣慕逸群才今日皇都喜重陪行著
繡衣歸茂苑醉攬仙履上蓬萊青雲有路

千峰見碧海無波萬里開我欲傍淮先卜
築陽江招隱望胥臺

太常博士分司南京崇大年

三朝風迹號名臣十道宣勞德在民大筆
有功爭造化宏才無地展經綸方登青瑣
瞻天近又駕朱轡撫俗頻宸眷正隆時望
重侍趨嚴召秉陶鈞

太常丞集賢校理判武學顧臨

飄飄清骨倦黃扉想見蓬萊出一鹿流經
秀嶠饒勝賞過家上塚喜頻歸如淮公釀
年來富闢帑巨罄秋正肥張翰思鱸方款
領都門將別欲東飛

太常丞集賢校理同知太常禮院陳侗

夕郎卿思滿江臯畫錦東歸意氣豪侯國
臺門牙戟盛使君樓櫓隼旗高瑣窗暮入
曾批敕仙殿晨趨罷染毫曲水春風修禊

飲卧龍山雨望秋濤番禺已有金湯惠秦
望應先袞綽褒莫恣蓬萊便接志竹看拂
拭呂虔刀

太常丞館閣校勘權發遣河北西路提點刑獄丁執禮

曉辭龍尾下青冥持節東南一鎮并共治
蚤分天子寄暮來今頌里民聲吟高郢雪
誰能擬韻敵壺冰凜更清遙想棠陰多暇
日江風吹角繞蓬瀛

太常丞判尚書兵部杜紘

大旆高牙不為榮
錦衣過鄉無可喜
長安久客厭塵土
得見清山與流水
高帆大檝駕吳艘
直指東南不留止
昔人尊鱸有高興
乍到江國真快耳
蓬萊危閣切蒼霞
湖面百頃秋光裏
野鳧山鷗點白煙
紅渠蓼花照清泚
星辰影動落簷前
鼓角聲雄來地
虛越國強大
今尚富海陸
百億填井里

我公才高出人頭人所為難公則易暫辭
青瑣擁朱轡飽得閒暇窮勝地高情灑落
白雲中日從賓筵二三子薄余曾得待公
顏喜見仙骨清照几稽山千古鍾秀氣四
明五雲有幽致朝色沆瀣食倉精暮襲鳴
濛殮氣藜可以養公之長生可以輔公之
高思富貴儻來可柰何經濟未施聊自寄
相如歲晚更倦遊客路崎嶇勞馬齒麤官

無補官家事冗食徒索大倉米五湖七澤
不得到惆悵浮生輕自棄得公旌旗先入
吳願從此去為公吏

權發群牧判官公事太常丞王欽

新築番禺百雉城海人無復邑居驚蒼龍
闕曉晨趨早青瑣窻深夕照明却得湖山
歸故國方從虜帳立高名侍臣何假三年
竄正為夸鄉組繡榮

太常丞充國子監直講余中

會稽太守垂金魚玉杯宴客離京都曾騎
天馬出沙漠萬里行冰渡河朔歸來却厭
承明廬欲學鴟夷蹈寥廓三吳風物故鄉
關人望旌旗何日還壺漿勞問有耆老杖
策登臨知舊山清江一水分吳越々山岩
堯更孤絕禹穴煙霞翠不收徃々雲中見
仙闕秋風剡溪生早涼鑑湖一夜飛清霜

綵舟繫纜浣紗石綺筵應得調笙篁此時
詩興誰能禦照耀珠月宮吐祇恐彤庭
急詔催桃源不許長為主都門疏雨柳輕
明送客蕭蕭千馬鳴須臾畫鷁東飛去欸
見淮山天外青

修國史院編修官秘書丞充集賢校理王存

集仙詞職瑣闥郎曾領共工使出疆萬里
初還遼海節一麾俄縮會稽章金環賜帶

饒新貴熊軾褰惟過故鄉政事有餘詩筆
健卧龍山直鑑湖光

秘書丞檢詳樞密院兵房文字呂大忠

飛詔平明走王珂夕郎持節越山阿西風
旗鼓催行色南國尊鱸助醉歌隣寇未消
謀可爾部氓猶困政如何番禺今得長城
利推此求功曲突多

秘書丞檢詳樞密院刑房文字李深

從橫才業聳青冥出處三朝重老成南就
金城幾萬里東歸戎節擁千兵昔從禹穴
探應古詩想鷄林購得名莫醉故園風月
久壺漿父老已來迎

白首雍容侍從中高懷常寄五湖東游文
仙殿才終別作牧稽山地更雄去國旌旗
迎曉日過家鱸橘正秋風異時治行如登
用故事西京有弱翁

秘書丞權知將作監丞公事鍾浚

過鄉畫錦剖符雄海上蓬萊第一宮自古
勝遊矜物外于今藩閫歷江東湖山清賞
絕塵境風月高吟虛訟筭促詔歸來如漢
典出分千里入三公

秘書丞權開封開左廂公事郎淑

三朝藩屏寵光頻四紀清名動搢紳肯效
懷章驚邸吏獨能持節屈戎人千嵒秀氣

歸華藻五嶺殊功簡紫宸他日會居衡石
地荊州雖老實台臣

秘書丞充三班院主簿張炎民

威名嘗使虜人驚杖節還朝欲請纓三絕
文章留麗正一麾江海去承明夕闌入對
虛青瑣畫錦行歸耀絳旌秋雨鱸尊厨膳
美曉風鏡鼓使船輕鑑湖雲水開心久蓬
閣煙巒炤眼清西省自應論出守未容全

慰吏民情

殿中丞新差知衛州黎陽縣黃嘿

會稽山水古來雄
內史新除捧詔東
何藉通舟追范蠡
更將一釣問任公
久諧偃息藩垣樂
未試調和鼎鼐功
日食萬錢誰怯
惜不知蓬島屬詩翁

續會稽掇英集卷五

提點府界諸縣鎮公事太子中允集賢校理蔡承禧

萬室羅紈千舸蓬遠山樓榭滿溪風舟移
菡萏芬芳渚旆倚蓬萊縹緲宮翁子印還
多事後微之名辱官人中昌時青瑣朱轡
貴白首誰何得似公

太子中允秘書閣校理知大宗正丞事趙君錫

鷺臺給事領東藩畫鼓朱旗下浚川夕拜

暫辭青瑣闥畫行爭看錦衣舩高才治郡
廷中服秀句驚人海內傳越國湖山應動
色煙嵐迎馬待新篇

修國史院編修官秘書省著作佐郎集賢校理林希

政事縱橫絕世才文章侍從冠鄒枚南州
節制金城固東省深巖瑣闥開笑別道山
探禹穴暫辭玉案下蓬萊賀家湖上中秋
月遙聽新詩落酒盃

著作佐郎崇文院校書同知太常禮院王仲修

乞麾占得山川勝
金鈕新提左顧龜
蒼闕關龍舞日下
紅旌引騎照江湄
剡溪月午何妨醉
曲水春餘好賦詩
玉案天香携滿袖
錦衣誰似過鄉時

著作佐郎權檢正中書戶房公事畢仲衍

朝回鳴櫓下東流
人自承明向越州
印綬光華將過里
江山蕭灑去迎秋
香銷瑣闥

成新夢雲映蓬萊識舊遊須體聖心圖任
切鑑湖雖好莫淹留

著作佐郎權檢詳樞密院兵房文字范育

雍容青瑣漢儒臣出牧東南七郡民祕府
內分龍節貴故鄉朝看錦衣新湖山動色
迎詩老牛酒均懽慰路人豈愧能名循吏
後應留美化大江濱相逢日下黃門省回
首風前畫鷁津未省行春周澤國即聽鳴

玉上楓宸

左班殿直樞密院點檢文字莫淵

北虜分庭正東藩得郡優兼曹拋玉殿重
閣指蓬邱節制連江海封疆直斗牛地雖
鄰故里人始識元侯合浦珠還口長河席
渡秋溪山歸勝覽風月入冥搜使旆天邊
去樓船鎡裏遊茶槍香泛竹箭綠修
樂苑花猶卉蘭亭水尚流千尋經石簣八

月看潮頭蕭寺逢支遁山陰憶子猷昔賢
嘗縱樂太守好消憂倒載何妨作扁舟未
可謀朝綱須急治民瘼俟全瘳青瑣從虛
位朱轡且少留行當宣室召還應傳巖求
德望終歸用愚蒙抵自愁官資舉執戟身
勢類浮鷗每玷鄉人薦長思國士酬那堪
聞疊鼓惆悵送行輶

著作佐郎知司農寺主簿黃頴

參天樓閣翠回環暫擁旌旌笑解顏久想
高懷厭車馬更緣吟興屬江山清時獨往
逍遙地美政能成指顧間行恐便膺宣室
召都人期見捧書還

著作佐郎知將作監主簿何正臣

史君承詔出黃扉急漿翻々畫鷁飛天上
鵷鷺驚暫別江邊猿鶴喜頻歸列城將吏
瞻戎節夾道鄉人看錦衣今古蓬萊足吟

詠更留風月待珠璣

立就金城漳海邊從來經制祇茫然一千
里侯無宵旆十萬人家自晏眠異域早聞
回陣馬將軍從此罷樓船功成事往翻然
去用捨如公信可賢

著作佐郎新通判嵐州事余京

越守新除漢夕郎刺繁從古籍才良一麾
偃息專方面千騎雍容過故鄉近待暫虛

青瑣闥還朝行捧紫泥章邦人喜慶今何
幸復見前龔與後黃

大理寺丞充館閣校勘判官誥院韓宗古

東渡吳江景氣清拂雲樓閣會稽城乍辭
青瑣雙旌擁重駕朱轡駟馬迎應笑買臣
夸郡邸還同巖助厭承明茂林脩竹山陰
地何日陪公載酒行

大理寺丞充都水監勾當公事陳康民

五羊城郭一朝新歸作黃扉侍從臣暫向
天邊辭禁闥更於江外福吾民錦衣上塚
鄉山曉熊軾頒條驛路春不待暮年應報
政即看朝覲對嚴宸

光祿寺丞充館閣校勘檢正中書禮房公事崔公度
江吳士氣久凋摧比見高牙擁詔回共喜
識兵侔漢相果聞持節過燕臺馳驅中禮
戎心服顧眄生威虜使猜所惜聖朝恩好

重未容儒將盡餘才朱轡所至藹徽音談
笑金城億萬尋計歷南夷虺狡穴官崇東
省秀儒林過家鼓吹新儀盛拜寵朝廷此
意深開說錢塘連得守非公誰慰粵人心

光祿寺丞充國子直講上官均

遠民誰布上恩寬一紙除書輟近班候騎
百城瞻使節壺漿十里過鄉關雲山繚繞

謳吟外鈴閣從容指顧間
密詔未從疏傳
請追鋒行看日邊還

衛尉寺丞畢仲連

玉籍殊科四十秋
徊翔藩翰幾淹留
五羊
舊治功尤著
百越新恩志已酬
健節亭
心益壯清吟一
思如流
壺漿滿道爭迎
處盡錦應先駐
犀邱

鏡鼓喧
逴迅流旆旌
明滅擁行舟
三吳
作鎮侯藩重
一道提兵帝澤優
錦里江山

歸興逸鑑湖風月到時秋抵應園任頃元
老促召猶能駐席丘

大理評事監京西排岸元耆寧

請符又作浙東行六郡爭驅紺弩迎環佩
聲回堯陛遠旌旗光動禹川明山烘橘柚
香浮席溪漲菰蒲翠徹城人在蓬萊仍畫
錦會稽故事而兼榮

衢州軍事判官充都水監勾當公事孔平仲

曾築長城制百蠻歸來青瑣照朝班一言
不為戎人屈萬里能全漢節還已有直聲
留朔漠更將吟興入稽山陞解天語尤稠
密知得蓬萊幾日閑

南劍州軍事推官充司檢祥會計司文字練定

鑑湖蓬閣南州冠詔輟真仙去捲臨江上
兒童爭跨竹日邊鴛鴦惜分襟氣凌沙漠
冰霜凜旌拂蘭亭雨露深綵筆欲窮千里

景錦囊先屈滿朝吟五雲鶴馭聊棲息萬
里鵬圖在尺尋玉殿叮嚀天語密未應閑
得子牟心

崇文院校書判鴻臚太僕寺邢恕

稽山鑑水正宜秋笑領銅符下鷁舟青瑣
夕郎傳故事鴻都仙客足風流錦衣著去
經鄉國壘紙翻成賦郡樓祗恐漢廷須雅
望寇公難得隔年留

太原府法曹恭軍充館閣校勘中書刑房習學公事范鏗

青門聊起濯纓歌
畫繡經從鬢已皤
越俗易諳緣地近
吳人奚獨羨金多
要知新集餘民事
亦有東來使者過
今日輕帆到江
浙藩宣宜得似西河

撫州司農軍充崇文院校書兼禮院檢詳李美常寺丞黃君俞

夕郎清貫籍殊村
曾寵南州刺史回
通職更聯羣玉府
分符仍得小蓬萊
民間威愛

龔黃政筆下文章李杜材
天子鼎新天下法和羹
方是用鹽梅

穎川司戶叅軍前尚書共部勾當公事謝惇

夕郎暫去赤墀班
寵佩藩符出漢關
江國正逢鱸味美
里閭先著錦衣還
賞追賀監湖邊
月醉陟秦王甕
畔山萬壑千巖常在
眼詩情應喜訟庭閑

夏陽從表姪謝忱

垂髻騎竹戲江濱東髮區々走路塵憶別
稽山無去夢樂聞鑑水欲歸人掉歌停棹
千詩送帆影乘風百尺伸行矣東南寄滋
重越民遠爾待頌春

太廟齋郎謝慥

越山崖峒凌蒼穹北山獨秀誇卧龍集賢
學士辭青瑣高牙新擁千騎雄畫看卧龍
峰夕隱蓬萊宮雙旌倒影射日紅心閑不

厭來山中排虛屏障環四封翠積琉璃千
萬重乍見煙霞西復東倏聽海鼓鳴鼙
照湖一望光悠溶寒波百里秋瞳矐茂林
修竹交青蔥崢嶸樓閣疑天通使君况復
氣摩空高吟萬字才不窮醉倒猶索黃金
鍾下筆凜々生清風幸當聖世民俗豐莫
惜樽俎頻雍容但憂政成被追鋒白雲幽

鳥不得長相從

將仕郎試秘書省校書郎守越州會稽縣主簿黃康弼編次
將仕郎守大理評事簽書鎮東軍節度判官廳公事徐鐸重校

隆慶戊辰夏彭城錢穀手錄



吾吳錢叔寶先生游先太史門下日取架上書讀之
聞人有歲秘籍必宛轉借抄技勤而夜不置故所藏
充棟手纂續吳都文粹南北史摭言三刺史詩惜未
登梨棗若其繪畫特餘事耳此會稽掇英錄皆集
唐宋名賢詩文字內流傳絕少是其早歲所抄無一惰筆
乃從宋刻本而錄者為世珍重可知矣

萬曆庚申如月花誕鴈門文震孟跋於青瑤嶼



嘉慶甲戌九秋華亭沈慈十峯
孫巖長洲王芑孫獲觀因識

己卯秋八月獲觀於雲間修竹山房欣
賞彌日歎為得未曾有程邦憲記

道光丙戌九月馮萃輝獲觀即識